

JNUNPAZT-L



JURNAL UNPAZ TIMOR-LESTE  
UNPAZ



*Vo.02, Issue,12,pp,01-.....023*

---

**PAPEL UNIDADE ESPECIAL DA POLISIA BAZEIA BA**

**LEI ORGÁNICA PNTL DECRETU LEI NO. 16/2009**

**Autor : Mariano Da Silva, Nre : 20.02.01.161**

**ABSTRATUS**

Mariano Da Silva 2023; Timor – Leste mai ho nia Sistema organizasaun ne’ebe variavel hodi administra lei no hala’o regularidade aplikasaun ba lei tuir konstituisaun RDTL hodi promove direitu sidadaun sira nian liu – liu iha parte seguransa nasional ne’ebe dalabarak sai hanesan kestaun / problema publiku no presiza tau atensaun seriu no kontrolasaun adekuaudu hodi reduz konfliktu no kria prosperidade entre sosiedade timorens. Kolia konabá seguransa Timor – Leste ho nia seguransa ne’ebe adekuaudu, tuir konstituisaun RDTL ( art 147<sup>0</sup> ) katak “ polisia sei defende legalidade demokratiku no garante sidadaun sira nia seguransa internu, maibe sira labele iha apartidaria politiku” seguransa nasional sai hanesan razaun fundamentu ba existensia intituisaun Polisia Nasional Timor – Leste ( PNTL ) no mos tuir lei organika PNTL dekretu lei 16/2009 mak unidade especial Policia hala’o nia kna’ar no dever ne’ebe garantidu husi lei.

Metodologia Peskiza kualitativu atu nu’une bele hetan rezultadu ne’ebe diak iha peskiza ne’e rasik. Metodu ka meius ka modelu ida atu bele analize no bele komprende problema ruma ne’ebe atu bele buka tuir liu husi hakerek nain nia peskiza. Tipu abordazem juridiku hanesan metodu ida ne’ebe maka peskizador sira uza atu bele hetan dadus sira ne’ebe

iha relevante ba kestaun ne'e. Fontes matéria direitu primaria, sekundariu eh Tersiaru. Parte halibur dokumentu ne'e importante tebes atu rekolla dados sra ne'ebe bele suficiente hodi bele prenxe fontes sira ne'ebe importante konaba dados no analiza ne'e parte ne'ebe importante tebes atu bele hare direktamente hodi halo analize klean liu tan iha rezultadu sira ne'e hotu

**Liafuan Xave: Papel, Unidade Especial Policia Bazeia Ba Lei Orgánika Pntl Decretu Lei No. 16/2009**

**1. INTRODUSAUN**

Timor Leste hanesan Estadu de Direitu, Demokrátiku, soberanu independente no unitariu, ne'ebe bazeia ba vontade no respeito ba dignidade popular. Iha kontekstu Estadu de Direitu, Timor – Leste iha nia konstrusaun estadu adopta prinsipiu the rule of law katak lei mak sai hanesan supremu ( supremasia da lei ) no prinsipiu sira seluk tan hanesan igualidade perante a lei ( equality before the law ), separasaun ba pode no protesau dos direitus umanos. Buat hirak ne'e sai mos hanesan rekezitu principal hodi estadu ida implementa lei iha nia governasaun tuir Prinsipius Fundamentais Estadu de Direitu atu garante ba prosperidade no estabilidade nasaun nian hodi hametin prinsipiu

demokrasia tuir Konstituisaun RDTL (art 6<sup>o</sup> aliñea b) katak “Atu garante no promove diretu no libedade fundamentais sidadaun sira nian no tau respeito a'as ba prinsipiu estadu de direitu demokratiku”.

Timor – Leste mai ho nia Sistema organizasaun ne'ebe variavel hodi administra lei no hala'o regularidade aplikasaun ba lei tuir konstituisaun RDTL hodi promove direitu sidadaun sira nian liu – liu iha parte seguransa nasional ne'ebe dalabarak sai hanesan kestaun / problema publiku no presiza tau atensaun seriu no kontrolasaun adekudu hodi reduz konflitu no kria prosperidade entre sosiedade timorens. Ita hotu hatene katak iha nasaun formasaun estadu) ne'ebe deit seguransa ba publiku sai mos hanesan faktor

importante tebes no tenke iha seriedade ba atendimentu publiku iha parte assistensia seguransa ba publiku liu husi instituisaun estadu sira ne'ebe iha relevansia ba seguransa hodi sai hanesan moru atu hametin estabilidade nasaun tantu iha internu no externu.

Kolia konabá seguransa Timor – Leste ho nia seguransa ne'ebe adekua, tuir konstituisaun RDTL ( art 147<sup>0</sup> ) katak “ polisia sei defende legalidade demokratiku no garante sidadaun sira nia seguransa internu, maibe sira labele iha apartidaria politiku” seguransa nasional sai hanesan razaun fundamentu ba existensia intituisaun Polisia Nasional Timor – Leste ( PNTL ) hanesan esklaresse ona iha paragrafu antes katak seguransa publiku nu'udar preokupasaun fundamental ida iha sosiedade ida ne'e refere ba asaun no politika ne'ebe Estadu implementa atu asegura protesaun sidadaun sira nian, no halo prevensaun ba krime eh manutensaun ordem publiku nian eh atu hala'o kna'ar tuir deit lei. Lei mak sai hanesan

atribuisaun poder no dever eh obrigasaun ba entidade polisia sira tuir hierarkia PNTL hodi hala'o nia funsionamentu instituisaun turi estatutu no kumpre deit ba lei no ordem.

Polisia Nasional Timor – Leste iha nia funsionamentu instituisaun hierarkiamente fahe ba Unidade tolu maka hanesan Unidade Especial da Polisia (UEP), Unidade Polisia Maritima (UPM), Unidade Patroalhamentu Fronteira (UPF) entre unidade hirak ne'e kada unidade hala'o nia funsionamentu seguransa tuir nia lei no ordem reguladu maske nune'e unidade sira nafatin iha kooperasaun ba malu tamba mai hotu husi instituisaun ida deit. Iha parte ida hakerek nain hakarak kolia konaba papel Unidade Espesial Polisia. Tuir Lei Orgánika PNTL, Decretu Lei No. 16/2009.

Unidade Especial Policia ne'ebe PNTL harii ho missaun espesifiku katak Unidade Espesial Polisia hanesan Unidade reserva ida ne'ebe komandante jeral maka komanda, signifika katak Unidade

Especial nia deslokasaun servisu no atendimentu servisu tenki ho orden komandante jeral ba komandante Unidade.

Iha UEP existe ho sub Unidade tolu (3) maka hanesan Batalaun Orden Públika (BOP), Compania Seguransa Pesoal (CSP), Compania Operasaun Especial (COE), no Pelotaun Apoio de Servisu (PAS). Tuir Lei Orgánika Polisia Nasional Timor Leste (PNTL) dekretu lei N<sup>o</sup> 16/2009. Artigu 28<sup>o</sup>, Batalaun Orden Públika (BOP) mak sub unidade ida ne'ebe konstituihusi kompañ operasaun nain rua, no nu'udar missaun principal tenke hatan ba alterasaun grave iha ordem publika, seguransa pontu sensivel nian no reforsa forsa iha territoriu nasional tomak. Artigu 29<sup>o</sup>, koalía kona ba Compania Seguransa Pesoal (CSP); compania Seguransa Pesoal maka sub Unidade ida no nudar misaun prinsipal tenki fo seguransa pesoal ba entidade boot sira, Nasional no Estrangeiro ne'ebe visita Timor Leste. Artigu 30<sup>o</sup>, Compania Operasaun Especial (COE); companhia Operasaun Especial, maka sub

Unidade ida ho kapasidade espesial hodi lidera bainhira iha situasaun ne'ebe violentu makas, hodi bele hatan kona ba aktu terrorismu ka asaun armada ruma, hodi liberta refein no hodi evakua no hamos instalasaun ne'ebe okupadu husi grupu sira ne'ebe perigozu, Compania Operasaun Especial iha seksaun ida hodi inativa esplozivu. Artigu 31<sup>o</sup>, Pelotaun Apoio no Servisu nian; Pelotaun Apoio no Servisu nia misaun principal maka atu hala'o servisu administrativu hotu-hotu no fo apoiu ba funcionamentu Unidade nian no Unidade Especial da Polisia subordinadu ho LEMA **“Não Somos Perfeitos Mas Sim Somos Treinados”**.

## **2. METODOLOGIA PESKIZA**

Hanesan maneira ida ne'ebe atu posibilita ka ajuda hakerek nain atu deskobre maneira ne'ebe loos ba iha nia proposta rasik ou bele dehan hanesan maneira diak ida, ne'ebe hakerek nain bele halo rezolusaun ba iha problema ruma no bele rekolla dados hirak ne'e entaun hakerek nain presija.

Iha proposta ida ne'e hakerek nain sei hili tipu peskija **jurídiku normativu**, iha tipu refere sei kolia liu ba iha área juridiku nian ne'ebe liga ho lei sira, Iha proposta refere uza metódu ne'e, tanbatema ne'ebe hakerek nain hili ligadu tebes ho lei no dekretu-lei sira, liu liu Lei Organika PNTL nian no Dekretu-Lei Nu 16/2009 loron 18 fulan Marsu, iha Dekretu-lei refere sei koalia konaba norma no prosedimentu sira iha Policia Nasional De Timor Leste (PNTL) inklui mos Unidade Especial Polisia (UEP) nian liu husi lei no dekretu-lei refere sei entende di-diak konaba norma no prosedimentu sira hodi hala'o servisu iha terrenu ho profesionalizmu.

### **3. REZULTADU PESKIZA**

- **Papel Unidade Especial Policia Hala'o Nia Kna'ar Tuir Dekrtu Lei Nomor 16/2009**

Papél Unidade Especial Polisia mak hanesan assegura seguransa internu ba Estadu Demokraiku tuir nasaun ne'e no ninia nesesidade espesífiku ba seguransa no ezekusaun lei. Maibé, jeralmente, Unidade Especial Polisia mak unidade especializada ida iha forsa polisia nia laran ne'ebé trata situaun sira ne'ebé iha risku aas, krize, operasaun espesiál no knaar sira ne'ebé aas liu kapasidade unidade polisia regulár sira-nian. Iha ne'e mak funsaun espesiál balun husi Unidade Especial Polisia:

- **Resposta ba krize:** Unidade Especial Polisia sira dala barak hatán ba situaun krize sira hanesan dadur, barikadu, ameasa terrorista no seluk tan. Sira hetan formasaun atu hasoru situaun hirak-ne'e ho maneira peritu no minimiza risku.
- **Kontra-terrorizmu:** Unidade hirak-ne'e dala barak responsavel ba kombate terrorizmu no responde ba ameasa terrorista, inklui

investiga atividade suspeito no previene atake.

- **Operasaun Espesial:** Unidade Especial Polisia sira hetan treinamentu atu hala'o operasaun espesial sira hanesan rekursu, kombatê iha ambiente urbanu, no misaun sira seluk ne'ebé iha risku aas.
- **Kontrola ema-lubun:** Iha sirkunstánsia balu, unidade sira-ne'e bele bolu atu kontrola ema-lubun durante protesta ka eventu eskala boot.
- **Formasaun:** Unidade Especial Polisia barak mós envolve iha formasaun forsa polisia no unidade militar sira seluk iha taktika no téknika espesial sira.
- **Espesialista:** sira mós iha papél atu halibur no analiza informasaun kona-ba inteligénsia hodi kombatê ameasa espesífiku sira.
- **Seguransa ba dignitaria sira:** Proteje dignitaria sira hanesan lider

polítiku no estrangeiru mak responsabilidade seluk ne'ebé bele atribui ba unidade hirak-ne'e.

Importante atu hanoin-hetan katak papél Unidade Espesial Polisia nian bele varia depende ba jurisdisaun no natureza ameasa ne'ebé hasoru. Sira-nia servisu bele espesializadu tebes no envolve formasaun ne'ebé kle'an hodi hasoru situasaun kompleksu no perigozu sira.

Unidade Especial Policia hala'o nia servisu tuir deit enkuadramentu legal sira ne'ebe eziste no vigora ona iha Timor Leste, liu-liu iha Lei organika PNTL dekretu Lei nomor 16/2009, ne'ebe atribui kompetensia ba Unidade Especial Polisia iha Artigu 26<sup>0</sup> ne'ebe hateten katak Unidade Especial Policia nian hanesan Unidade reserva ida ne'ebe komandante Geral maka komanda, no kaer komando Operasional no iha kapasidade hodi;

- a) mantein no estabelese fila fali orden publika;

- b) resolve no jere insidenti kritiku;
- c) halo intervensaun ho taktiku bainhira iha situasaun ne'ebe violensia, perigu kompleksu liu ka risku boot liu;
- d) halo seguransa ba instalasaun ne'ebe sensivel no ba eventu boot sira, no protesaun ba entidade boot sira;
- e) inativa explosivu sira;
- f) prepara no haruka forsa ba misaun internasional;

➤ **Unidade Especial Policia Fo Apoiu Seguransa Iha Kapital Dili**

Unidade Polisia Espesial hanesan sanak ida husi Polisia Nasional Timor – Leste (PNTL) hodi fó apoiu seguransa ba kapitál nasaun nian. Ida ne'e prátika komún ida iha nasaun barak atu aseguara seguransa iha área metropolita ka kapitál sira, liu-liu iha eventu espesial sira, situasaun krize ka wainhira iha ameasa ba seguransa publika.

Unidade espesial sira-ne'e dala barak hetan formasaun no ekipamentu atu hasoru

situasaun sira ne'ebé iha risku a'as no bele hala'o papél importante ida iha manutensaun orden publika no fo apoiu seguransa ba Kapital Dili, kapital Dili hanesan sentru ba iha nasaun Timor-Leste tanba ne'e municipiu hotu-hotu mai konsentra iha kapital Dili ho ema ne'ebe mak karakteristiku ka mentalidade la hanesan ho nune'e situasaun enjeral iha kapital Dili sempre lao la dun hakmatek.

Hanesan ita hotu hatene kapital Dili eziste mos komandu policia municipiu hodi kontrola no fo seguransa ba ita nia comunidade sira hodi hala'o actividades ho sigoru, maibe realidade hanesan ita hotu hatene katak situasaun iha kapital dili lao ladun sigoru, tanba ne'e unidade especial polisia hanesan unidade reserva polisia nian ida ne'ebe komanda direita husi komandante geral, signifika katak unidade especial polisia nia atendementu servisu ka deslokamentu servisu hein deit orden husi komandante geral, tanba ne'e komandu UEP simu orden direita husi komandante geral fo orden ba komandu

UEP hodi orienta ka fo orden ba iha menbru sira hotu ho rekursu ne'ebe mak iha hodi fo apoiu hodi hala'o patroliamentu ho kareta, inklui mos lao ain atu nune'e bele reduz konflitu ne'ebe maka sempre akontese iha kapital dili hodi fo llivre ba comunidade sira hodi hala'o sira nia actividades.

Unidade especial polisia iha nia papel no prestasaun servisu ida maka oinsa atu fo apoiu sguansa ba kapital Dili no halo atuasaun ba iha konflitu sira ne'ebe maka sempre akontese iha fatin-fatin, bainhira iha konfrontu entre joven ka grupu ho grupu liu-liu iha kapital Dili ne'ebe maka akontese hanesan tuda malu, ataka malu ho kroat, halo comunidade sira senti la seguru ka la hakmatek iha sira nia fatin tanba deit hahalok imoral ne'ebe aplika husi joven sira, tanba ne'e unidade especial polisia tun direita hodi halo atuasaun hodi hakalma situasaun ne'ebe akontese maibe comunidade sira sempre kestiona kona ba atuasaun tanba sira la dun

entende servisu unidade especial nia servisu.

Unidade especial polisia apoiu fo seguransa ba iha komandu municipiu Dili tanba ne'e iha konfrontu ruma unidade especial la bele tun direita, bainhira komandu municipiu nia menbru sira hanesan Task Force tun uluk iha terrenu hodi hare katak situasaun refere presisa duni apoiu husi unidade especial polisia nia presensa tanba grau de konflitu n'ebe ameasa makas ba iha comunidade nia le'et.

Misaun unidade especial polisia atu hatan ou responde ba disturbu boot ne'ebe mak akontese iha territoriu nasional, no bele fo mos apoiu seguransa ba facilidade no fatin sira ne'ebe sensivel, apoiu mos ba unidade seluk ne'ebe mak precisa tebes sira nia presensa. Misaun ida ne'e kaer metin hodi kabe ba sira nia prestasaun servisu UEP nian.

Husi misaun ne'ebe sira rasik hatudu katak UEP tenki eziste duni atu responde ba situasaun sira ne'ebe grave



kontra estabilidade Estadu nian, UEP mos fo apoiu seguransa ba fatin sira ne'ebe konsidera sensível ka importante no apoiu mos seguransa ba unidade sira seluk, bainhira iha konfrontu boot ruma iha comunidade nia le'et, polisia reguler ka kontingente geral mak tun uluk ba terrenu hodi halo atuaun, maibe situaun kontinua ho volume ne'ebe a'as maka UEP sei fo apoiu tun ba terrenu hodi halo atuaun ho neserariu hodi hakalma situaun ba ne'ebe akontese.

Situaun real ne'ebe sempre akontese iha kapital Dili mak hanesan problema iha fatin-fatin liu-liu iha kapital Dili hodi halo comunidade barak mak sai vitima tanba hetan estragus hanesan uma rahun no sasan hotu-hotu hetan estragus maske polisia balun tun ona ba terrenu maibe problema nafatin kontinua, entaun UEP hanesan forsa reserva ne'ebe komanda direita husi komandante geral, fo orden direita ba komandante UEP hodi orienta menbru sira tun ho rápidamente

hodi fo apoiu hakalma situaun ba comunidade sira.

#### ➤ **Reforsa iha parte Patrullamentu**

Aumenta prezensa polisia iha área kapitál atu prevene atividade kriminál no asegura seguransa sidadaun sira-nian. "Patrulla aas" refere ba aumentu temporáriu iha prezensa polisia iha área ka rejiaun ida-idak. Taktika ida-ne'e dala barak uza iha situaun sira ne'ebé iha preokupasaun espesífiku kona-ba seguransa publika, aumentu iha atividade kriminál, ka eventu espesial sira ne'ebé presiza resposta ne'ebé forte liu husi ezekeusaun lei. Iha ne'e mak aspetu importante balun ne'ebé relasiona ho hadi'a patrulla:

- a) **Objetivu Seguransa:** Objetivu prinsipál hodi hasa'e patrulla mak atu hadi'a seguransa públiku iha área espesífiku ida. Ida-ne'e bele neserariu atu hatán ba krime foin lalais ne'e, ameasa espesífiku sira, potenciál sira, ka atu asegura

seguransa durante akontesimentu importante sira.

b) **Vizibilidade Polisia:** Haforsa prezensa polisia jeralmente envolve aumentu iha ofisiál sira iha estrada. Ida ne'e bele sai hanesan prevensaun ba atividade kriminal no fornese sentimentu seguransa ba rezidente no vizitante sira iha área ne'e.

c) **Patrulla ativa:** Durante patrulla ne'ebé di'ak liu, ofisiál sira dala barak hala'o patrulla ativa, estrada roaming, fatin, parku no área públiku sira seluk atu deteta atividade suspeitu no responde lalais ba insidente sira.

d) **Eventu Espesial:** Patrulla ne'ebé di'ak liu mak komún durante eventu espesial sira, hanesan festa, selebrasaun, protesta, jogu desportu, no reuniaun polítika sira, atu

asegura katak orden públiku mantein no participante sira seguru.

e) **Komunikasaun**

**Komunitaria:** Durante patrulla ne'ebé di'ak liu, ofisiál sira dala barak halo interasaun ho comunidade lokál hodi hetan informasaun, kona ba preokupasaun, no asegura rezidente sira hatene oinsá atu kontaktu autoridade sira se presiza.

f) **Temporáriu:** Patrulla ne'ebé di'ak liu mak jeralmente medida temporáriu no intensifikadu tuir nesesidade. Bainhira situasaun seguransa hadi'a tiha ona ka eventu espesial remata, polisia adisionál bele hamenus prezensa.

g) **Koordenasaun:** Operasaun patrulla ne'ebé di'ak liu tan jeralmente envolve

koordinasaun efetiva entre ajénsia lokál, rejionál, ka ezeekusaun lei estadu nian atu aseguira resposta efetiva no aloka rekursu sira ho apropriadu.

Importante atu nota katak patrulla ne'ebé di'ak liu tenke hala'o ho respeito ba direitu sivíl no lei, no polísia sira tenke hetan formasaun atu atua ho maneira profisionál no la-diskriminatoriu. Prezensa polísia tenke sai nu'udar resposta proporsional ba situasaun no persepsaun nivel ameasa.

#### **4. KONKLUZAUN**

Liu husi hakerek Nain nia hare konaba revizaun biblioteka no rezultadu peskija ne'ebe hakerek Nain foti husi formulasaun problema sira ne'ebe deskreve ona iha parte leten kapitulu II, III, IV hakerek nain konklui ona katak: Unidade Espesial Polisia ( UEP ) hanesan sanak ida husi Polisia Nasional Timor – Leste (PNTL) ne'ebe iha papel importante hodi kontribui ba paz no estabilidade

Estadu Demokratiku Timor – Leste no aseguira leglidade Estadu eh ba direitu sidadaun sira atu naftin iha protesaun nia laran liu husi sira nia dever no responsabilidade hotu ne'ebe hala'o tuir nafatin lei no ordem husi superior.

Dezempenho etiku, professionalizmu no dedikasaun Unidade Espesial Polisia ( UEP ) sira nian ne'e essencial tebes ba kredibilidade sistema seguransa internu no eksternu Estadu nian no ba promosaun justisa no dignidade humanu nian eh aseguira riku soin rai laran no rai leten. Agente Unidade Espesial Polisia (UEP) sira servisu tuir destakementu ba fatin sira ne'ebe definidu ho ordem komando geral atu aseguira prosedimentu legal sira halo tuir regra no regulamentu sira, nu'une kontribui ba efisiensia no efikasias administrasaun seguransa nian no aplikasaun lei no rezolusaun ne'ebe justu ba disputa, krime nst. Tamba ne'e Unidade Espesial Polisia (UEP) iha papel ida ne'ebe impotante iha kontekstu seguransa

Nasional, hametin legalidade Estadu no fo seguransa maksimu ba sosiedade RDTL.

➤ **REKOMENDASAUN**

Hakerek nain hakarak halo konkluzau ba tópiku ne'ebe foti ona atu nune'e parte Governu bale no halo estudu abilidade ho di'ak atu nune'e bele halo revisaun fali ba dekretu lei numero 16/2009, atu nune'e lei refere bele fo satisfasaun ba membru PNTL sira, aleinde ne'e hakerek nain hakarak rekomena mos ba parte sira mak hanesan tuir mai ne'e;

- a) Komando PNTL tenki tau importansia ba Unidade Especial Polisia hodi fo formasaun ba membru sira atu eleva koinesementu membru sira nian profisaun nune'e atua situasaun iha terrenu ho profesional no mos Rekomenda ba komandu PNTL hodi kontrola membru sira atu nune'e membru sira la bele monu ba lasu polítiku, atu nune'e gaña konfiansa husi povu hodi sira bele servi deit ba

povu no proteze nasaun ida ne'e ho laran.

- b) Governu liu husi ministeriu relevante tenki tau mos importansia ba Unidade Especial Polisia hodi apoiu viatura ne'ebe maka sufisiente atu nune'e membru sira hala'o servisu iha terrenu ho rapida liu tan, tanba situasaun aktual ne'ebe Unidade Especial hasoru maka transporte minimu liu ho kondisaun transporte ne'ebe mak la diak, hodi difikulta tebes servisu iha terrenu, bainhira mosu konfrontu iha komunnidade nia le'et membru sira la bele atua ho rápidamente tanba transporte minimu no mos kondisaun transporte la dun diak. Rekomenda mos ba Ministeriu interior (MI) tenki tau mos importansia hodi hamosu kontrolu politika ida ne'ebe efikasias ba dezvoltamentu iha instituisaun PNTL partikularmente iha area rekursu humanu nune'e bele reforma mentalidade membru sira nian, no mos ba parte Governu atu kria kondisaun

ne'ebe diak no mos ba membru sira  
iha fatin ne'ebe membru sira servisu  
ba hodi la bele fo impaktu ba sira nia  
saúde.

## BLIBLIOGRAFIA

### Legislasaun:

Konstituisaun Repúblika Demokrátika de  
Timor Leste;

Kodigo Penal Timor Leste;

Lei No. 2/2010, Lei Seguransa Nasional;

Lei No. 4/2010, Lei Seguransa Interna;

Dekretu-Lei Nu.16/2009 Lei Orgânica  
PNTL

Normas Organizaçãun Procedimentos  
(NOP)

### Livro:

**Antonio Lemos Monteiro  
Fernandes**, Direito do Trabalho, Edição  
11<sup>a</sup>

Agesta Sanchez

**David Berry**, Pokok-Pokok Pikiran  
Dalam Sosiologi, cet ke-3 (Jakarta: Raja  
Grafindo persada, 1995), pag. 99

**Francisco Liberal Fernandes**,  
Direito do Trabalho o Contrato de  
Trabalho, Tinan 2010

**Maria Ramalho Palma** do Rosario,  
Edisaun 4<sup>a</sup>, Tinan 201-202

Relatoriu JSMP

Relatoriu Estagiu

**Soerjono Soekanto**, Sosiologi Suatu  
Pengantar (Jakarta: Raja Grafindo  
Persada, 2007), pag. 24.

**W.A Gerungan**, Psikologia Sosial  
(Bandung: PT Eresso, 1998), pag. 135.

**Yoyok Ucok Suyono.**, lei polisia,  
existensia polisia nasional iha Sistema  
konstituisional Indonesia liu husi  
konstituisaun 1945, tinan 2014., pag., 37

### Fontes Internet:

[https://www.gramedia.com/literasi/teori-  
kedaulatan/](https://www.gramedia.com/literasi/teori-kedaulatan/)

[https://id.wikipedia.org/wiki/Teori\\_hukum](https://id.wikipedia.org/wiki/Teori_hukum)

[https://www.jusbrasil.com.br/artigos/o-  
que-e-seguranca-publica/586735267](https://www.jusbrasil.com.br/artigos/o-que-e-seguranca-publica/586735267)

<http://www.Historia> PNTL

[https://pt.wikipedia.org/wiki/Seguran%C3  
%A7a\\_p%C3%BAblica](https://pt.wikipedia.org/wiki/Seguran%C3%A7a_p%C3%BAblica)

[https://www.jusbrasil.com.br/artigos/o-  
que-e-seguranca-publica/586735267](https://www.jusbrasil.com.br/artigos/o-que-e-seguranca-publica/586735267)

[https://pt.wikipedia.org/wiki/Seguran%C3  
%A7a\\_p%C3%BAblica](https://pt.wikipedia.org/wiki/Seguran%C3%A7a_p%C3%BAblica)

[http://etheses.iainkediri.ac.id/1252/3/9313  
19215%20BAB%20II.pdf](http://etheses.iainkediri.ac.id/1252/3/931319215%20BAB%20II.pdf)

[https://eprints.uny.ac.id/8882/3/BAB%20  
%20-%2008401241012.pdf](https://eprints.uny.ac.id/8882/3/BAB%20%20-%2008401241012.pdf)